

## Акафист Святителю Спиридону Тримифунтскому

--

### Кондак 1

Препрославленный от Господа святителю и чудотворче Спиридоне! Ныне всечестную память твою празднующе, яко много могущему споспешествовати нам о прославльшем тя Христе, умильно вопием ти: избави нас от всяких бед и зол, да с благодарением зовем ти:

Радуйся, Спиридоне, предивный чудотворче.

### Икос 1

От юности украшенный всеми добродетельми, житием своим Ангелом подражавый, ты, святителю Спиридоне, воистинну показался еси друг Христов; мы же, зряще тя, небеснаго человека и земнаго Ангела, со благоговением умильно вопием ти:

Радуйся, уме, созерцаая тайны Пресвятыя Троицы; радуйся, обогативыйся Духа пресветлым осиянием.

Радуйся, светильниче многосветлый; радуйся, ум твой безстрастием просветивый.

Радуйся, измлада истинную простоту и безмолвие возлюбивый; радуйся, украшение целомудрия.

Радуйся, любве неистощимая струя; радуйся, яко страннолюбию Авраама подражал еси.

Радуйся, яко всем любвеобильно входы дома своего отверзал еси; радуйся, нищих представителю.

Радуйся, пред нимже благоговéют людие; радуйся, яко ты еси обиталище Пресвятаго Духа.

Радуйся, Спиридоне, предивный чудотворче.

### Кондак 2

Видяще остров Кипр и вся христианския страны нетленные мочи твоя, святителю, от нихже истекают обильная исцеления, возрадовашася; и мы, почитающе тя яко преобильнаго источника благодати, низпосланнаго свыше нам, вопием к Верховному Подателю Небесных и земных благ: Аллилуиа.

## Икос 2

Разум Божественный имый, аще сый пастырь безсловесных овец, ты произволением Пастыреначальника Христа избран был еси в пастыря овец словесных. Вернии же, разумевше тя добраго пастыря, неусыпно о стаде своем пекущагося, воспеваху:

Радуйся, архиерее Бога Вышняго, в хиротонии восприявый обильно Божественную благодать; радуйся, светильниче многосветлый, горяй и светяй.

Радуйся, верный делателю в вертограде Христовом; радуйся, пастырю, на пажити веры и благочестия паству свою воспитавый.

Радуйся, сияньми добродетелей твоих мир просвещавый; радуйся, Престолу Христову Божественную Жертву приносивый.

Радуйся, иерарше, разумением Православия украшенный; радуйся, апостольскаго учения исполненный, верных струями спасительнаго учения напаяяй.

Радуйся, яко и мудрых озарил еси; радуйся, яко и простых сердца обновил еси.

Радуйся, славо православных и Церкви непоколебимое утверждение; радуйся, украшение отцев, славо и похвало иереев благоговейных.

Радуйся, Спиридоне, предивный чудотворче.

## Кондак 3

Силою Вышняго, осенившею тя, святителю Спиридоне, богомудр ты показался еси и, сжавши дланию глину, троичность Лиц всем очевидно уяснил еси; темже лжемудрии философи, собравшиися на Соборе, ужасошася, вернии же непостижимаго прославиша Бога, умудрившаго тя во спасение, вопиюще Ему: Аллилуиа.

## Икос 3

Имеюще тя в помышлениях своих вси отцы Собора проста, неискусна в книжном учении, молиша тя, отче Спиридоне, не препиратися словеси с витиею, мнящимся мудру быти. Ты же, святителю, ревностию по Бозе распалемый, веруя, яко проповедь Христова не в препретельных мудрости человеческия словесех, но в явлении духа и силы, премудре того обличив, вразумил и на путь истинный наставил еси. Вси, видевше чудо сие, зываху:

Ра́дуйся, све́те правосла́вныя му́дрости; ра́дуйся, я́ко глаго́лемых бы́ти му́дрых совопро́сников посра́мил еси́.

Ра́дуйся, исто́чнице, благода́тию оби́льный; ра́дуйся, непоколеби́мый сто́лпе, твёрдо содержа́щий су́щих в ве́ре.

Ра́дуйся, омрача́яй всепа́губную е́ресь; ра́дуйся, чрез него́же попра́но бы́сть безу́мие.

Ра́дуйся, я́ко пе́рсть земна́я пропове́да твои́ма рука́ма Святу́ю Тро́ицу; ра́дуйся, я́ко из гли́ны извёл еси́ о́гнь и во́ду во утвержде́ние догма́та Святы́я Тро́ицы.

Ра́дуйся, я́ко просвети́л еси́ лю́ди сла́вити Сло́во, вои́стинну Единосущное Пребезнача́льному Отцу́; ра́дуйся, я́ко зми́еву главу́ па́губныя а́риевы е́реси порази́л еси́.

Ра́дуйся, я́ко тобою́ пожёрта бы́сть зло́ба; ра́дуйся, неверна́го мудреца́ совопро́сника к и́стинней ве́ре обрати́вый.

Ра́дуйся, Спиридо́не, предивный чудотво́рче.

#### Конда́к 4

Жи́знь проводя́ в убо́жестве и нищете́, ни́щим и бе́дным бы́л еси́ пита́тель и помо́щник и, любве́ ра́ди к ни́щим, зми́я в зла́то преложи́л еси́ и да́л еси́ о́ное тре́бующему твоея́ по́мощи. Дивя́щися о чудеси́ се́м, благодарственнo вопи́ем к Бо́гу: Аллилу́иа.

#### И́кос 4

Слы́шано бы́сть все́м и всю́ду, я́ко святите́ль Спиридо́н вои́стинну е́сть жили́ще Святы́я Тро́ицы: всели́ся бо в нём Бо́г Оте́ц, Бо́г Сло́во и Бо́г Ду́х Святы́й. Сего́ ра́ди ты́ словесы́ и дея́ньми пропове́дал еси́ все́м христиа́ном воплощённа́го и́стинна́го Бо́га, вопи́ющим:

Ра́дуйся, словес Бо́жиих тайнниче; ра́дуйся, домостроительство Бо́жие о спасе́нии ми́ра уясни́вый.

Ра́дуйся, я́ко научи́л еси́ не испы́товати е́же е́сть превы́ше ра́зума и му́дрости челове́ческа; ра́дуйся, непостижи́мую де́йствующую в тебе́ си́лу Бо́жию яви́вый.

Ра́дуйся, я́ко уста́ми твои́ми провеща́ Са́м Бо́г; ра́дуйся, я́ко все́и послу́шаху тебе́ в сла́дость.

Ра́дуйся, мглу́ идолослужения разгна́вый; ра́дуйся, я́ко мно́гих к и́стинней ве́ре привёл еси́.

Ра́дуйся, я́ко главы́ невидимых зми́ев порази́л еси́; ра́дуйся, я́ко тобо́ю прославля́ется ве́ра христиа́нская.

Ра́дуйся, я́ко све́тло озаря́еши все́х ублажа́ющих тя́; ра́дуйся, побóрниче христиа́нския ве́ры и Правосла́вия.

Ра́дуйся, Спиридо́не, предивный чудотво́рче.

### Конда́к 5

Божественнаго Ду́ха преисполнен был еси́, святителю Спиридо́не, ра́ди добродетельнаго жития́ твоего́; зане́ кро́ток, ми́лостив, чи́ст се́рдцем, терпели́в, непамятозло́бив, страннолюбе́ц был еси́: сего́ ра́ди Творе́ц и в чудесе́х пресла́вна показа́ тя́. Мы́ же, прославля́я Бо́га, просла́вльшаго тя́, вопие́м Ему́: Аллилу́иа.

### И́кос 5

Равноа́нгельна Спиридо́на зри́м, вели́каго чудотво́рца. Некогда́ страна́ от бездо́ждия и за́сухи вельми́ пострада́: бы́сть гла́д и я́зва, и мно́гое мно́жество люде́й умро́ша, моли́твами же святителя́ сниде́ с небесе́ на зе́млю до́ждь; лю́дие же, изба́вльшеся от бе́дствия, благода́рственно взыва́ху:

Ра́дуйся, вели́кому проро́ку Или́и уподо́бивыйся; ра́дуйся, я́ко до́ждь, отъе́млющий гла́д и недúги, благовре́менно низвёл еси́.

Ра́дуйся, па́ки моли́твами свои́ми не́бо заключи́вый; ра́дуйся, я́ко немилосе́рдаго купца́ лишени́ем имения́ наказáл еси́.

Ра́дуйся, я́ко тре́бующим пи́щу оби́льно дарова́л еси́; ра́дуйся, я́ко любоблагоутро́бие Бо́га к лю́дем подвиза́еши.

Ра́дуйся, вземля́й не́мощи немо́щных; ра́дуйся, богоблагода́тный челове́ком помо́щниче.

Ра́дуйся, боля́щим здра́вие подава́яй; ра́дуйся, егóже трепещут де́мони.

Ра́дуйся, безчи́сленных чудес исто́чниче.

Ра́дуйся, Спиридо́не, предивный чудотво́рче.

## Кондак 6

Завеса ветхозавѣтной скѣнии закрываше во Святаѣя Святыѣх ковчѣг, мѣнну и скрижали. И храм твоѣ, святителю Спиридоне, имѣет раку твою, яко ковчѣг, святыѣя мѣщи твоѣ, яко мѣнну, сѣрдце твоѣ, яко скрижали Божественныѣ благодѣти, на нихже зрим начертанную пѣснь: Аллилуѣа.

## Ўкос 6.

Нарѣд Кѣпра некогда за умноженіе беззаконіѣй наказѣ Господь безплодием земли, егда же прииде к святому Спиридону знаемый земледѣлец, прося помощи, даде ему святыѣ злато; минувшу же бѣдствию, земледѣлец оный возврати паки злато. И — о чудесе! — злато змѣй бѣсть. Прославляюще Бога, дѣвнаго во святыѣх Своѣих, вопиѣм:

Радуйся, яко Моисѣю, чудесно преложившему жѣзл в змѣя, подражал еси; радуйся, человеколюбивый пѣстырю, избавляяй от бѣд словесныѣ овцы стада своего.

Радуйся, обильно всех всеми благами обогащаяй; радуйся, яко Илія, бѣдных питаемый.

Радуйся, немилосѣрдых к милосѣрдию обращааяй; радуйся, достоподражаемый примѣр любви для человеков, в мире живущих.

Радуйся, верных и неверных в бѣдах утѣшеніе; радуйся, древо сеннолиственное, град и страну осеняющее.

Радуйся, славо и похвало керкирян; радуйся, над влагою и сусею, знѣем и хладом благодатию Божіею владычествуй.

Радуйся, уставы земли молитвою пременяяй; радуйся, будущая, яко настоящая, провидевый.

Радуйся, Спиридоне, предивный чудотворче.

## Кондак 7

Ходатай пред Господем за всех явился еси, святителю Спиридоне: сего ради и мы прибегаем под кров твоѣ, ищуще спасенія, вси бо помощника тебе ѣмамы во всех нѣждах, во время глѣда, смертоносныѣ язвы и во вся годины бѣд и искушеній. Сего ради благодарственно вопиѣм Богу: Аллилуѣа.

## Їкос 7

Нове чудо видим и боголепное: егда ты, отче, шествовал избавити неповинно осужденнаго на смерть, бурный поток преградил путь тебе; ты же именем Всемоущаго Бога повелел ему стати и прешел еси со спутники чрез реку, яко по суху. Слава о сем чудеси распространися всюду, и вси прославиша Бога, вопиюще к тебе:

Радуйся, яко иногда Иисус Навин чрез Иордан реку по суху прешедый; радуйся, речная устремления гласом своим укротивый.

Радуйся, яко трудный путь предприял еси, движимый милосердием; радуйся, яко клевету разрушил еси и неповиннаго от уз темницы и напрасныя смерти избавил еси.

Радуйся, жизни по Бозе благий поспешниче; радуйся, неповинно угнетенных защитителю.

Радуйся, уставов естества воднаго переменителю; радуйся, яко судию вразумил еси и от убийства спасл еси.

Радуйся, истинное исправление душ; радуйся, дивная сила, потоки удерживающая.

Радуйся, улаждающий сердца человеков, к тебе притекающих; радуйся, человеколюбие Авраама подражателю.

Радуйся, Спиридоне, предивный чудотворче.

## Кондак 8

Странник и пришлец был еси на земли, якоже и прочие человецы. Обаче из чрева матери Всеведущий великаго угодника и чудотворца показав ты, святителю Спиридоне: бесы бо изгоняеши, всякую болезнь и язву исцеляеши, помышления людей зриши, темже и дивен во святых показав еси. Мы же, возсылающе молитву ко Благодателю всех Богу, вопием Ему: Аллилуиа.

## Їкос 8

Весь мир ужасом многим содрогнуся, егда услыша, яко смерть, по гласу твоему, возвращает из гробов мертвецы своя, и возопи:

Радуйся, умершую дочь свою, да явит врученное ей сокровище, к жизни воззавый; радуйся, скорбную вдовицу, на сохранение злато вдавшую, утешивый.

Рáдуйся, умéршее отрочá из мёртвых воскресívый; рáдуйся, я́ко ма́терь его́, внезапно от рáдости умéршую, оживívый.

Рáдуйся, я́ко уподо́бился еси́ Или́и, моли́твами сы́ну сарéптския жены́ жи́знь возвратívшему; рáдуйся, я́ко и Елиссéю, возбуди́вшему от смéрти отрочá, подража́л еси́.

Рáдуйся, па́стырю, пре́искренне лю́бящий челове́ки; рáдуйся, женé блудни́це, слезáми но́зе тво́й омывшей, грехи́ и́менем Бо́га отпусти́вый.

Рáдуйся, святу́ю ре́вность верхо́внаго апо́стола стяжа́вый; рáдуйся, я́ко нераска́янная грéшница, по глаго́лу твоёму́, в тяжких болéзнях у́мре.

Рáдуйся, земли́ плодонóсие моли́твами тво́ими испросívый; рáдуйся, непрелóжное воскресéния челове́ков уверéние.

Рáдуйся, Спиридóне, предívный чудотво́рче.

#### Конда́к 9

Ду́ха Божéственнаго осия́ньми озарён бы́л еси́, святителю́ Спиридóне, имёл бо еси́ ду́ха премудрости, я́ко му́дрыми словесы́ безумных обуи́л еси́ и посреде́ отце́в véру утверди́л еси́; ду́ха рáзума, я́ко умы́ омрачённыя озари́л еси́; ду́ха стра́ха Бо́жия, я́ко вы́ну дéлании богоуго́дными ду́шу очисти́л еси́. Тёмже, предста́в Престо́лу Вы́шняго, с со́нмом А́нгелов воспева́еши Ему́: Аллилу́иа.

#### И́кос 9

Жéзл па́стыря словéсных овец от Па́стыреначáльника Го́спода Иису́са приёмый, святы́й Спиридóн не премени́ жития́ своего́: нестяжа́телен, крóток, любве́ рáди вся́ терпяй, не постыде́ся пещи́ся и о ста́де безсловéсных овец. Вся́ сия́ возбужда́ют нас сла́вити Бо́га и взывáти тебе́:

Рáдуйся, сла́ву ми́ра сегó я́ко сýетную презре́вый; рáдуйся, мзду́ мно́гу на Небесéх стяжа́вый.

Рáдуйся, красная́ ми́ра сегó в умéты вмени́вый; рáдуйся, сосúde Небéсных бла́г.

Рáдуйся, святéйшая па́жите киприóтов; рáдуйся, я́ко тебе́ рáди Бо́г хищников овец твои́х невидимыми у́зами связа́.

Рáдуйся, тáтем отéческое вразумлéние препода́вый; рáдуйся, по милосéрдию твоёму́ за проведенную́ без сна́ но́щь овна́ им дарова́вый.

Ра́дуйся, непослуша́нием ко́злища, я́ко бы ра́зум иму́щаго, купца́, утайвшаго це́ну его́, обличи́вый; ра́дуйся, утайвшаго сре́бренники тво́я к пока́йнию приве́дъй.

Ра́дуйся, я́ко стра́сти корыстолю́бия увещáнием сво́им исцели́л еси́ его́.

Ра́дуйся, Спиридо́не, предивный чудотво́рче.

#### Конда́к 10

Спасáяй ду́ши па́сты, Бо́гом тебе́ ввѣренныя, ты́, святителю́ Спиридо́не, произво́лением Бо́жим, зва́н бы́л еси́ я́вити сла́ву твою́, па́че же сла́ву И́стиннаго Бо́га, и в ины́я страны́, да всю́ду сла́вят И́мя Бо́жие, вопи́юще: Аллилу́иа.

#### И́кос 10

Ско́рый помо́щник и засту́пник во вся́ких ну́ждах и ско́рбех, святы́й Спиридо́н, по повелѣ́нию царѣ́ву, я́коже и прѣ́чии па́стыри, при́иде во гра́д Антиохи́ю, иде́же бе́ одержи́мый боле́знию ца́рь Константи́н; святитель гла́вы его́ косну́ся и сотвори́ здра́ва. Сему́ чудеси́ дивя́щеся, вопи́ем ты́:

Ра́дуйся, его́же в со́нном видѣ́нии А́нгел, я́ко целителя́, я́ви царю́; ра́дуйся, Боже́ственныя ра́ди любве́ трудо́ный пу́ть в ста́рости восприя́вый.

Ра́дуйся, царѣ́ву рабу́, уда́рившему ты́ в ланиту́, по за́поведи Спаси́теля, друго́ю подста́вивый; ра́дуйся, сто́лпе смире́ния.

Ра́дуйся, моли́твами сво́ими слѣ́зно прося́щему царю́ здра́вие дарова́вый; ра́дуйся, я́ко уничи́жением сво́им раба́ вразуми́л еси́ и немилостивы́й нра́в его́ пременя́л еси́.

Ра́дуйся, я́ко благоче́стию и милосе́рдию царя́ научи́л еси́; ра́дуйся, я́ко, ненави́дая земна́я сокрови́ща, зла́то царя́ отве́ргл еси́.

Ра́дуйся, я́ко учени́ка своего́ Трифи́ллиа от пристра́стия к земны́м блага́м отврати́л еси́ и сосу́дом благода́ти Бо́жия соде́лал еси́; ра́дуйся, я́ко прише́дшу тебе́ в Алекса́ндрию, идо́ли падо́ша.

Ра́дуйся, ему́же и бе́си повинуются; ра́дуйся, я́ко от идоло́служе́ния мно́гих отврати́л еси́.

Ра́дуйся, Спиридо́не, предивный чудотво́рче.



## Кондак 11

Пѣние а́нгельское бѣсть, егда́ во хра́ме приноси́л еси́, святѣтелю Спиридо́не, вечер́няя моли́твы Твоя́, и не бѣша сослужа́щии тебѣ́. Жителие же гра́да, дѣвное пѣние слы́шавше, внидо́ша в храм и, никогóже видевше, с Гóрними силами воспева́ху: Аллилу́иа.

## Икос 11

Светоза́рное со́лнце мірови, собесѣдник А́нгелов бѣл еси́ на землі, святѣтелю Спиридо́не; преда́в же дѹх тво́й в рѹце Бóжии, пресели́лся еси́ в Гóрняя селѣнія, моля́ся за мір пред Престо́лом Влады́ки. Мѣ же, живу́щии на землі, вопиѣм ти́:

Ра́дуйся, яко тебѣ́, ещѣ́ живу́ сѹщу, сослужа́ху А́нгели; ра́дуйся, псалмопѣние Арха́нгелов слы́шавый.

Ра́дуйся, ви́димый о́бразе на́шего преобра́жения; ра́дуйся, яко недоста́вшу елѣю в хра́ме Бóг тебѣ́ ра́ди с избы́тком лампа́ды напо́лни те́м.

Ра́дуйся, лампа́до Божѣственнаго сия́ния; ра́дуйся, сосѹде благода́ти Бóжией, обильно, подо́бне елѣю, наполня́ющей дѹшу твою́.

Ра́дуйся, неизсяка́емый исто́чнице, прѣсно источа́ющий всѣм то́ки благода́ти; ра́дуйся, о нёмже изумля́ются А́нгели.

Ра́дуйся, преслу́шание диа́кона в хра́ме наказавый; ра́дуйся, тщесла́вившагося сво́им гла́сом, и гла́са и язы́ка лишѣвый.

Ра́дуйся, яко, во вре́мя знóя, внеза́пу роса́, снизше́дшая Свѣ́ше, священную твою́ главу́ прохладѣ́; ра́дуйся, в зна́мени семъ бли́зость преста́вления своего́ провидѣвый.

Ра́дуйся, Спиридо́не, предѣвный чудотво́рче.

## Кондак 12

Покро́в и прибе́жище бѣвый всѣм к тебѣ́ притека́ющим ве́рным ещѣ́ в жити́и твоѣм, ты́, святѣтелю, не оста́вил еси́ насъ си́рых и по твоѣм успѣнии; Бóг, побежда́ющий естества́ чѣн, сохрани́ святѣ́я мо́щи Твоя́ нетлѣ́нными во укрепле́ние правосла́вныя ве́ры и благоче́стия, в зна́мение безсме́ртія, Егóже прославля́юще, вопиѣм: Аллилу́иа.

## Їкос 12

Воспеваѣм тя, святѣтелю Божий, яко удивѣл еси мѣр чудесы, истекающими от святыхъ мощей твоихъ. Всѣ бо с верою приходящии и лобызаящии ихъ получаютъ вся благопотребная просимая. И мы, давшаго тебе крепость, венчавшаго тя венцемъ нетления и действующаго тобою Бога прославляюще, вопиѣм ти:

Радуйся, во время глады корабельникомъ явивыйся и пищу доставити повелѣвый; радуйся, слепымъ, с верою притекшимъ к святымъ мощемъ твоимъ, зрѣние даровавый.

Радуйся, от неисцельныхъ болѣзни отрока исцѣливый; радуйся, бѣса из жены изгнавый и здравую ю сотворивый.

Радуйся, возбранный воеводо Керкиры; радуйся, яко полчища злочестивыхъ агарян изгнал еси и корабль ихъ в пучине потопил еси.

Радуйся, егже видеша окруженнаго сонмомъ Ангеловъ, в деснице мечъ державша и в трѣпетъ враговъ приведша; радуйся, создати себѣ храмъ, во еже совершати в немъ литургию на прѣсномъ хлѣбе, воеводе возбранивый.

Радуйся, воеводу латинскаго лютою смертию поразивый; радуйся, молниєю изображение его в домѣ в Венеции сожегший.

Радуйся, отступльства и лжемудрования Запада посрамивый; радуйся, единую православную веру быти истинную и спасительную для челоуѣковъ утвердивый.

Радуйся, Спиридоне, предивный чудотворче.

## Кондак 13

О пречудный святѣтелю Христовъ, отче Спиридоне! Нынешнее наше молѣние приѣмъ, избави насъ отъ всехъ бѣдъ и напастей, укрепи на враги страну нашу, даруй намъ оставление прегрешений и изми отъ вѣчнаго смерти всехъ вопиющихъ о тебѣ к Богу: Аллилуиа.

*Этотъ кондакъ читается трижды, затемъ ѥкосъ 1-й и кондакъ 1-й.*

## Икос 1

От юности украшенный всеми добродетельми, житием своим Ангелом подражавый, ты, святителю Спиридоне, воистинну показался еси друг Христов; мы же, зряще тя, небеснаго человека и земнаго Ангела, со благоговением умильно вопием ти:

Радуйся, уме, созерцаая тайны Пресвятыя Троицы; радуйся, обогативыйся Духа пресветлым осиянием.

Радуйся, светильниче многосветлый; радуйся, ум твой безстрастием просветивый.

Радуйся, измлада истинную простоту и безмолвие возлюбивый; радуйся, украшение целомудрия.

Радуйся, любве неистощимая струя; радуйся, яко страннолюбию Авраама подражал еси.

Радуйся, яко всем любвеобильно входы дома своего отверзал еси; радуйся, нищих представителю.

Радуйся, пред нимже благоговоят людие; радуйся, яко ты еси обиталище Пресвятаго Духа.

Радуйся, Спиридоне, предивный чудотворче.

## Кондак 1

Препрославленный от Господа святителю и чудотворче Спиридоне! Ныне всечестную память твою празднующе, яко много могущему споспешествовати нам о прославльшем тя Христе, умильно вопием ти: избави нас от всяких бед и зол, да с благодарением зовем ти:

Радуйся, Спиридоне, предивный чудотворче.

## Молитва

О великий и пречудный святителю Христов и чудотворче Спиридоне, Керкирская похвало, всея вселенная светильниче пресветлый, теплый к Богу молитвенниче и всем к тебе прибегающим и с верою молящимся скоропредстательный заступниче! Ты веру православную на Никейском Соборе посреде отцев преславно изъяснил еси, триединство Святыя Троицы чудесною силою показал еси и еретиков до конца посрамил еси. Услыши нас, грешных, святителю Христов, молящихся тебе, и сильным твоим предстательством у Господа избави нас от всякаго злаго обстояния: от глада,

потопá, огня и смертоносныя язвы. Ты бо во временней жизни своей от всех сих бедствий избавлял еси людей твоих: от нашествия агарян и от глады страну твою сохранил еси, царя от неисцельнаго недуга избавил и многия грешники к покаянию привел еси, мертвых преславно воскрешал еси, за святость же жития твоего Ангелы, невидимо в церкви поющия и сослужащия тебе, имел еси. Сице убо прослави тебе, вернаго Своего раба, Владыка Христос, яко вся тайная человеческая деяния дарова тебе разумети и обличати неправедно живущия. Многим, в скудости и недостаточестве живущим, ты усердно помогал еси, люди убогия изобильно во время глады напитал еси и ина многа знамения силою в тебе живущаго Духа Божия сотворил еси. Сице и нас не остави, святителю Христов, поминай нас, чад своих, у Престола Вседержителя и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдныя и мирныя, и блаженства вечнаго в будущем веке сподобит нас, да выну возсылаем славу и благодарение Отцу и Сыну и Духу Святому, ныне и присно и во веки веков. Аминь.

### **Молитва вторая**

О всеблаженне святителю Спиридоне, великий угодниче Христов и преславный чудотворче! Предстояй на Небеси Престолу Божию с лики Ангел, призри милостивым оком на предстоящия зде люди и просящия сильныя твоея помощи. Умоли благоутробие Человеколюбца Бога, да не осудит нас по беззакониям нашим, но да сотворит с нами по милости Своей. Испроси нам у Христа и Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим благая, даруемая нам от щедрого Бога, но во славу Его и в прославление твоего заступления! Избави всех верою несумненною к Богу приходящих от всяких бед душевных и телесных, от всех томлений и диавольских наветов. Буди печальным утешитель, недугующим врач, в напастех помощник, нагим покровитель, вдовицам заступник, сирым защитник, младенцем питатель, старым укрепитель, странствующим путеводитель, плавающим кормчий и исходатайствуй всем, крепкия помощи твоея требующим вся, яже ко спасению, полезная. Яко да, твоими молитвами наставляеми и соблюдаеми, достигнем в вечный покой и купно с тобою прославим Бога, в Троице Святей славимаго, Отца и Сына и Святаго Духа, ныне и присно и во веки веков. Аминь.

### **Молітва трэ́тня**

О преблаженне святителю Спиридоне! Умоли́ благосердие Человеколюбца Бóга, да не осудит нас по беззаконию нашему, но да сотворит с нами по милости Своей. Испроси́ нам, рабóм Бóжиим (именá), у Христа́ и Бóга нашего мирное и безмятежное жити́е, здравие душевное и телесное. Избави нас от всяких бед душевных и телесных, от всех томлений и диавольских наветов. Поминай нас у Престола Вседержителя и умоли́ Гóспода, да подаст многих наших грехов прощание, безбедное и мирное жити́е, да дарует нам, кончины же живота́ непостыдныя и мирныя и блаженства вечнаго в будущемъ вѣце сподобит нас, да непрестанно возсылаем славу и благодарение Отцу́ и Сыну́ и Духу Святому́, ны́не и прѣсно и во вѣки веко́в.

Ами́нь.

--

**Святителю отче Спиридоне, моли Бога о нас!**